

Ondjila yoku ya kuKalunga





© 2011 World Missionary Press, Inc., Rose Stair Goodman, author. Cover art, Edwin B. Wallace. Meryl Esenwein art above and on pages 10, 12, 14, 16, 27, 29, 39, 41, 42, 44, 46, 47, and 48. Ombiimbeli Ondjapuki. © BIBLE SOCIETY OF NAMIBIA, 2008. All rights reserved. Used by the written permission of the publisher. Published by the Bible Society of Namibia, Private Bag 13294, Windhoek, Namibia.

KALUNGA OKWA SHITI UUYUNI, NAASHIHE SHI NA OMWENYO

Petameko Kalunga okwa shiti egulu nevi.

—Genesis 1:1

Kalunga okwa shititha Kristus iinima ayihe yomegulu
noyokombanda yevi, iinima mbyoka yi wetike naa-
mbyoka yaa wetike. —Aakolossa 1:16a

Lalekweni nuuyamba kOmuwa, omushiti gwegulu
nogwevi! Egulu lyokombandambanda olyo ehala
lyOmuwa mwene, ihe evi okwe li pe aana yaantu.

—Omapisalomi 115:15, 16

Uuyuni owa li kaa wu na epuko lyasha sho Kalunga e wu
gandja komuntu. Lesha okambo haka wu uve shoka sha
ningwa po.

KALUNGA OKWE TU SHITI



Kalunga okwa popi e ta ti: “Natu shiteni aantu ye tu fe, oshifetha shetu. Oyo ye na okupangela [oku wilika] oohi dhomefuta, oondhila dhokegulu, iimuna, iiyamakuti, evi alihe niihono ayihe.”

—Genesis 1:26

OMUNTU OKWA NINGI OMUNAMWENYO 3

Omwa Kalunga okwa kutha ontsi yevi e te yi umbu omuntu. Okwe mu fudhile ombepo yomwenyo momayulu, omuntu nokwa ningi omunamwenyo.*

—Genesis 2:7

Omwa Kalunga okwa popi e ta ti: “Inashi opala, omuntu i ikalele oye awike. Otandi mu shitile omukwathi e mu opalela.” Omwa Kalunga okwa kothike omuntu omposi ondhigu, nomanga a li a kotha, okwa kutha mo olupati lwe lumwe nopehala mpoka e lu kutha, okwa thitike po nontumba. Olupati okwe lu shiti omukiintu e te mu eta komulumentu.

—Genesis 2:18, 21, 22

*Okukala nomwenyo otashi ti, otatu ka kala palwe aluhe.

4 ADAM NAEVA INAYA VULIKA KUKALUNGA



Inatu pumbweni oku pulakena ewi lyasatana.

Omuwa Kalunga okwa langeke omuntu meyana 5
IyaEden, opo e li longe ye e li keelele. Okwa ti kuye:
“Lya komuti kehe meyana, kakele komuti gwokutseya
uuwanawa nuuwinayi. Iiyimati yomuti ngoka ino yi iya;
ngele oto shi ningi, oto si shili.” —Genesis 2:15-17

EYOKA NDYOKA HALI ITHANWA OMUTONDI NENGE
SATANA, OLYA LIMBILILWA OONKONDO DHAKALUNGA,
NOLYA FUNDJU.

Eyoka olya yamukula iya ti: “Itamu si shili.” Omukiintu
okwa ndhindhilike, omuti nkene gwo opala niiyimati
yagwo yi etitha olwiho okuliwa nokuninga omuntu omu-
nandunge. Okwa toonona ko iiyimati yimwe e ta li.
Okwa pe wo omulume, naye wo okwa li.

—Genesis 3:4, 6

6 ADAM NAEVA KAYA LI WE TAYA VULU OKU KALA MOSHIKUNINO



Omuwa Kalunga okwe mu tidha mo meyana IyaEden, a ye a ka longe evi moka a kuthwa mo. Kuuzilo weyana okwa langeke ko aakerubi ye na egongamwele tali yeta omulilo, opo li keelele shaa ngoka ta hedha komuti gwomwenyo.

—Genesis 3:23, 24

ESIKU OLYA LI EWINAYI KAANTU SHO 7 ADAM NAEVA YA YONO



Uulunde owe eta muuyuni komuntu gumwe, nuulunde we owe etelele eso. Onkee ano eso olya taandele maantu ayehe, oshoka ayehe oya yono. —Aaroma 5:12

Shoka wu na oku dhimbulukwa

Omuntu kehe okwa valwa nuukwatyawokuyona, nota ka sa esiku limwe, shaashi eso ondjambi yuulunde. (Lesha Aaroma 5:12 natango.)

ONDJILA YAKALUNGA YOKU TU MANGULULA MOONDJO OYA LI OKU TUMA OMWANA EPONA



**“Oye ta ka vala okanona
okamati, e to ka luku
Jesus, oshoka oye ta
hupitha aantu ye
moondjo dhawo.”**

—Mateus 1:21

Opo a ye molugodhi Iwomuntu, Omuna
gwOmuntu okwe ya molupe Iwomuntu.

**Oshoka muKristus nokutya muuntu we, omu na
egwanopo lyondjelo yuukalunga auhe.** —Aakolossa 2:9

JESUS OYE KALUNGA— MOLUPE LWOMUNTU

Ohapu oya li ko, manga uuyuni inaau shitwa. Ohapu oya li Kalunga nOhapu oya li Kalunga. Ohapu nokwa ningi omuntu nokwa kala mokati ketu. —Johannes 1:1, 14a

Shika ashihe osha ningwa, opo adhihe dhi gwanithwe ndhoka Omuwa e dhi lombwele omuhunganeki, sho ta ti: “Omukadhona ota ningi omusimba nota vala okanona okamati, nedhina lyako otali lukwa Immanuel;” otali ti: Kalunga oku li pamwe natse. —Mateus 1:22, 23

Otwa valelwa omunona! Otwa pewa omumati! Epangelo olye; oli li komapepe ge. Ota lukwa Omupukululi omukumithi, Kalunga omunankondo, He yomuukwaa-luhe, Omuwa gwombili. —Jesaja 9:6

JESUS KRISTUS— EYAMBO LYETU LYASHILI

**...Okwa li kee na oondjo, ihe Kalunga okwe mu
humbateke oondjo dhetu....**

—2 Aakorinto 5:21



Oye ina yona nando.

—1 Petrus 2:22a

Kapu na eyambo (omayambo) omuntu ta gandja LYASHILI, ta li vulu okudhima po oondjo.

**Oshoka ombinzi yoontsezi no-
yiikombo kayi na mpoka nayi ka
dhima po oondjo.** —Aahebeli 10:4

**Jesus oye onzigona yakalunga. “Tala, Onzigona yaKalu-
nga, tayi kutha po oondjo dhuuyuni!”** —Johannes 1:29b

JESUS OKWA GANDJA OMWENYO GWE OPO E TU HUPITHE

11

Jesus pahalo lye mwene okwa gandja omwenyo gwe opo e tu hupithe koondjo dhetu.

Jesus okwa ti: “**Kaku na nando ogumwe ta kutha ndje omwenyo gwandje. Ongame mwene tandi gu gandja kehalo lyandje mwene. Ngame ondi na oonkondo oku gu gandja nondi na wo oonkondo oku gu taambulula.**” —Johannes 10:18a

OTWA MANGULULWA NOMBINZI YONZIGONA YAKALUNGA

Oshoka omwa tseya iikulila mbyoka ye mu kulile mokukala kweni kwonale, hoka mwe ku thigulula kooho, oyo kaya li oshinima hashi hulu po, ngaashi oshisiliveli nenge oshingoli. One omwa kulilwa nombinzi yi na ondilo yaKristus, ngoka a fa onzigona yaa na oshipo nenge onyata. —1 Petrus 1:18, 19

KAPU NA WE EYAMBO LIMWE TALI VULU OKU KUTHA PO OONDJO

Onkee ano tse otwa yelithwa lumwe aluke koondjo molwajesus Kristus, ngoka a gwanitha ehalo IyaKalunga, sho a yamba olutu Iwe mwene. —Aahebeli 10:10

12 Sho twa ningwa aayuuki koshipala shaKalunga omolweso lye, Kristus ote tu hupitha, twaa adhike kondjahi yaKalunga. —Aaroma 5:9b

“Jesus, dhimbulukwa ndje ngele wa thiki mOshilongo shoye.” —Lukas 23:42b

Omufudhi nguka okwa itaale Jesus, nokwa hupithwa.



“Ongame tandi ku lombwele, nena tuu ndjika oto ka kala pamwe nangame mOparadisa.” —Lukas 23:43b



Omufuthi nguka ina itaala Jesus, onkee ina hupithwa.

Kristus sho a si peha lyetu, manga twa li aalunde.

—Aaroma 5:8b

AYEHE MBOKA YA ITAALE OMUNA GWAKALUNGA OYE NA OMWENYO

13

**“Oshoka osho ngeyi Kalunga a kala e hole
uuyuni, oye a gandja Omwana awike, opo
shaa ngoka te mu itaale, kaa kane, ihe
a kale e na omwenyo gwaaluhe.”**

—Johannes 3:16

**Oshoka Kalunga oye e tu nakula mo mepangelo
lyomilema nokwe tu eta moshilongo shOmwana
omuholike. Omwana oye tuu ngoka e tu mangulula
nokwa dhimi po oondjo dhetu.** —Aakolossa 1:13, 14

*Okulikolwa otashi ti, otwa lundululwa ko.

“OKWA YUMUKA!”



**Omuyengeli okwa
popitha aakiintu a ti:
“Inamu tila, oshoka
ondi shi shi, otamu
kongo Jesus, ngoka a
li a alelwa komushi-
gakano. Ke mo muka,
okwa yumudhwa
kuusi, ngaashi a tile.
Ileni, mu tale eha
mpoka a li a lala.”**

—Mateus 28:5, 6

JESUS OKWA YUMUKA KUUSI

15

“Onda li nda sa, ihe ngashingezi ondi na omwenyo. Tala, otandi kala ndi na omwenyo sigo aluhe. Ondi na oonkondo okupangela eso noshaasi [oheli].” —Ehololo 1:18

“Molwaashoka ngame ondi na omwenyo, nane wo otamu ka kala mu na omwenyo.” —Johannes 14:19b

Shaashi Kristus okwa sindi eso, noku na iipatululo yeso, inatu pumbwa we oku tila eso.

Uuna nda tila, onde ku inekela, Omuwa Omunankondoawike.

—Omapisalomi 56:3

(Tala pepandja 46, komauvaneko gaKalunga.)

JESUS OTA VULU OKU KU HUPITHA NOKU KU GALIKANENA

Ihe Jesus oku na omwenyo sigo aluhe. Onkee ota vulu aluhe okuhupitha mboka taye ya kuKalunga taa pitile muye. Oshoka oku na omwenyo aluhe note ya galikanene koshipala shaKalunga.

—Aahebeli 7:24a, 25

NGOYE NANGAME OTATU VULU OKUMONA OMWENYO GWAAALUHE



**OTO landula ondjila
yini?**

Jesus Kristus oye
ONDJILA yoku ya
KOMWENYO gwaaluhe
pamwe naKalunga.

Omutondi (Satana) oye
ondjila yoku ya KESO
lyaaluhe.

Okamati haka oka ningi etokolo lyomondjila, lyoku ya momwenyo gwaaluhe.

OTO NINGI EHOGOLOLO LINI?

17

“...Tokoleni nena ndjika ngoka tamu longele....”

—Josua 24:15

Nena otandi ku pe, u hogolole pokati komwenyo neso,
pokati keyambeko lya Kalunga netulomutima lye, notandi
hiya egulu nevi li ninge onzapo yehogololo ndyoka to
hogolola. Hogolola omwenyo. —Deuteronomium 30:19

JESUS OYE ONDJILA YOKU YA KOMWENYO GWAALUHE

“Omuye awike tamu tu zile ehupitho; oshoka muuyuni
auhe kamu na nando ogumwe gwedhina Kalunga e li
hololela aantu, tatu vulu okuhupithilwa muye.”

—lilonga 4:12

“Ongame, ongame Omuwa, kaku na omuhupithi gulwe,
ongame awike.”

—Jesaja 43:11

18 OMOLWASHIKE TU NA OKUHOGOLOLA JESUS NGELE OTWA HALA OMWENYO GWAALUHE?



1. *Kristus oye e ya.*

**“... Ngame onde ya, opo ya kale
ye na omwenyo....”**

—Johannes 10:10

**2. *Kristus oye e tu hole, ye oye e
tu sile.***

**Omuna gwaKalunga, ngoka e
hole ndje nokwa gandja omwenyo
gwe molwandje.** —Aagalati 2:20b

Jesus okwa ningi omuntu, onyama

nombinzi e tu fa, **opo a hanagule po neso lye**
mwene omuhindadhi, ngoka he eta eso. Osho
ngeyi okwa mangulula aantu muumbanda weso,
moka ya li muupika okukalamwenyo kwawo akuhe.

—Aahebeli 2:14b, 15

3. *Ombinzi yaJesus oyo ayike ya dhimi po oondjo dhetu.*

Ombinzi ndjoka yi na omwenyo, otayi yogo po oondjo.

—Levitikus 17:11b

Nombinzi yOmwana Jesus otayi tu yogo oondjo dhetu adhihe.

—1 Johannes 1:7b

Omwana oye tuu ngoka e tu mangulula nokwa dhimi po oondjo dhetu.

—Aakolossa 1:14



4. Kristus oye a yumuka kuusi.

Oshoka otu shi shi kutya
 Kristus okwa yumudhwa
 kuusi, ita si we. Eso kali na
 we oonkondo oku mu pa-
 ngela. —Aaroma 6:9

Kristus okwa sile aantu
 ayehe, opo mboka ye na

**omwenyo yaa ikalele we yo yene, ihe ya kalele
 nguka a si molwawo nokwa yumudhwa molwawo.**

—2 Aakorinto 5:15

Jesus okwa ti, “**Molwaashoka ngame ondi na omwenyo, nane wo otamu ka kala mu na omwenyo.**”

—Johannes 14:19b

**5. Otu na okukala tu na Ombepo yaKristus
mutse, opo tu yumudhilwe momwenyo
gwaaluhe (tu kale tu na omwenyo aluhe).**

**Kristus oku li mune, oshitopolwa meadhim
IyaKalunga.** —Aakolossa 1:27b

**Ngele Ombepo yaKalunga, ngoka a yumudha
Jesus kuusi, tayi kala mune, nena oongoka a
yumudha Kristus kuusi ota ka yumudha wo
omalutu geni omasi koonkondo dhOmbepo tuu ngoka.**

—Aaroma 8:11

**KAMBADHALA OMBEPO YAKALUNGA YI KALE MUNGOYE
Oshoka kehe ngoka kee na Ombepo yaKristus, ke
shi wo gwaKristus.** —Aaroma 8:9b



**Oye okwe u
papata momaako
ge nokwe u tente-
ke iikaha ye e te
u yambeke.**

—Markus 10:16

"Jesus oku hole ndje, shika ondi shi shi, oshoka ombiimbeli
oye shi lombwela ndje."

Ihe Jesus okwi ithana uunona, u ye kuye, a ti: 23
“Etheni uunona, u ye kungame. Inamu u keelela
ko, oshoka Oshilongo shaKalunga oshaamboka ye u
fa.” —Lukas 18:16

“Onkee ano kali shi ehalo IyaHo megulu, ku kane
nando okamwe kaambuka uushona.” —Mateus 18:14

Kutya nee ongoye lye nenge owu li peni, Jesus oku ku hole
nokwe ku sila. Jesus okwa hala ohole yoye woo. Oto vulu
oku ulika ohole yoye kuJesus, noku vulika kuye.

“Ngele omu hole ndje, nena otamu vulika koma-
lombwelo gandje.” —Johannes 14:15

Nokuli okamati otaki iholola miilonga yako.

—Omayeletumbulo 20:11a

OTOMONO NGIINI ONDJILA YOYE OKU YA KUKALUNGA

1. *Zimina kutya omulunde* (*tala pepandja 7*).

Oshoka aantu ayehe oya yona, kaye na oonkondo
dhoku ya hupitha. —Aaroma 3:23

2. *Ila kuKalunga okupitila muJesus Kristus.*

Oshoka Kalunga ogumwe awike, naangoka a
hanganitha aantu naKalunga, ogumwe, omuntu Jesus
Kristus. —1 Timoteus 2:5

Onkee ota vulu aluhe okuhupitha mboka taye ya
kuKalunga taa pitile muye. —Aahebeli 7:25a

Jesus okwa ti, “**Ngame noitandi tidha po nando**
ogumwe ngoka te ya kungame.” —Johannes 6:37b

3. Itedhulula koondjo dhoye.


(Okwiitedhulula otashi ti, "oku kala wi iyetela ohenda tayi fala moku za mo moondjo.")

"Onkee ano itedhululen, ne mu galukile kuKalunga, opo a dhime po oondjo dheni." —lilonga 3:19

Omuwa... okwe mu idhidhimikile owala, oshoka ina hala, ku kale nando ogumwe ta geelwa, ihe okwa hala, aantu ayehe ye ethe uulunde wawo. —2 Petrus 3:9

4. Hempulula oondjo dhoye kuJesus.

(Okuhempulula otashi ti, "oku lombwela nenge oku zimina.")



26 Pomisinda dhili pevi, shanga po 1 Johannes 1:9a tayi adhika meke ndyoka ta li galikana.


5. *Ekelahi oondjo dhoye.*

(Oku ekelahi oondjo otashi ti, “oku etha po, oku thiga po.”)

**Oongoka ta holeke iilonga ye iiwinayi, oye ke na elago,
ihe ngoka te yi hempulula note yi etha, oye ta silwa
ohenda.** —Omayeletumbulo 28:13

Gamuka kuuwinayi e to longo uuwanawa.

—Omapisalomi 37:27a



Oshoka omwa hupithwa kesilohenda lya Kalunga keitaalo. Ehupitho ndika inali za mune yene, aawe, olyo omagano ga Kalunga. Mpaka kape na sha shokwiitangela, oshoka shika inashi za moonkambadhala dheni. —Aaefeso 2:8, 9

6. Itaala Jesus Kristus.

Ngele to hempulula nokana kutya Jesus oye Omuwa, nowi itaala momwenyo gwoye kutya Kalunga okwe mu yumudha kuusi, nena oto hupithwa. —Aaroma 10:9

“Itaala Omuwa Jesus, e to hupithwa pamwe naanegumbo lyoye.”
—lilonga 16:31b

7. Taamba Jesus Kristus momutima gwoye nomokukalamwenyo kwoye.



Ongoye awike mwene to vulu oku egulula omutima gwoye, nokuhiya Jesus e ye mo. Jesus okwa ti,
“Tala, onda thikama posheelo notandi konkola. Ngele ku na ngoka tu uvu ewi lyandje note egulula ndje, otandi ya maandjawa e tatu li uulalelo pamwe naye.”

—Ehololo 3:20

Ihe ayehe mboka ye mu taamba noye mu itaale, okwe ya pe oonkondo, ya ninge aana ya Kalunga.

—Johannes 1:12

Ngele ino galikana nale, nowa pumbwa ekwatho wu galikane, oto vulu okulandula egalikano li li pevi, li ku kватhe:



**Omuwa kuume Jesus,
Tangi sho wa si komushigakano
wu kuthe po oondjo ndandje. Ombili
kiinima ayihe ya puka nda longa.
Otandi ku indile wu ye momutima
gwandje wu kale mo aluhe. Otandi
ku inekele wu opaleke omutima
gwandje. Otandi ku kutha wu ninge
Omuhupithi gwandje, nOmuwa
gwandje.**
Onda galikana medhina lyoye, Amen.

GWOYE, OWU NA OMWENYO GWAALUHE

Kalunga okwe tu pe omwenyo gwaaluhe, nomwenyo nguka
otu gu na mOmwana. Shaa ngoka e na Omwana, oye oku na
omwenyo nguka.


—1 Johannes 5:11b, 12a

**“Ngoka tu uvu oohapu dhandje noti itaale ngoka a tuma
ndje, oku na omwenyo gwaaluhe. Ita pangulwa we, ihe okwa
za mo nale meso nokwe ya momwenyo.”** —Johannes 5:24b

Olutu Iwoye ngele Iwa si, oto ka kala nOmuwa (2 Aakorinto 5:8).
**“Kristus oku li mune, kokutya one otamu ka kala mu na
oshitopolwa meadhimo lyaKalunga”** (Aakolossa 1:27b).

Ngele owa pula Jesus e ku dhimine po oondjo dhoye, nowa itaala
Omuwa Jesus Kristus onga Omuhupithi gwoye, shanga edhina
Iyoye pevi:

OTO IKALEKE NGIINI WA LANDULA JESUS 31



Lesha oovelise mombiimbeli
(oohapu dhaKalunga) esiku kehe,
e to dhi pungula momutima
gwoye, noku ilonga momutse
oovelise tadhi ku kwatha.
(Odhindji odhi li mokambo haka.)

**Oshoka Enyolo kehe olya
nyolithwa kOmbepo
yaKalunga noli na oshilo-
nga shokulonga oshili,
okukumagidha, okupukulu-
la nokuulukila omuntu
ondjila yu uka.**

—2 Timoteus 3:16

POPYA NAJESUS ETHIMBO KEHE MEGALIKANO



Tangi Jesus kiinima ayihe iiwanawa monkalamwenyo. ***Mu hambelelela*** iinima ayihe e ku ningila, naasho a hupitha omwenyo gwoye. ***Galikanena oompumbwe dhoye adhihe wuna***, galikana medhina lyajesus.

Oshoka ngele tatu mu indile shaa shoka she mu opalela, oye ote tu uvu ethimbo kehe ndyoka tatu mu indile. —1 Johannes 5:14b

“Tate ote ke mu pa shaa shoka tamu indile medhina lyandje.” —Johannes 16:23b

... Galikanenathane.... —Jakob 5:16

“Ihe ngame otandi mu lombwele: Holeni aatondi yeni, galikaneneneni aahepeki yeni.”

—Mateus 5:44

EGALIKANO NDYOKA JESUS A LONGO AALONGWA YE

33

(Omulongwa omuntu ngoka ha landula Jesus.)

Jesus okwa lombwele aalongwa ye ya galikane ngeyi:

**“Tate yetu, ngu u li megulu: Edhina Iyoye nali yapu-
Iwe [uuyapuki], Oshilongo shoye nashi ye, Ehalo Iyoye
nali gwanithwe kombanda yevi wo ngaashi megulu. Tu
pa wo nena oshithima shetu shesiku kehe. Dhima po
oondjo dhetu, ngashika natse wo tatu dhimi po dhaa-
mboka ya yono kutse. Ino tu fala mehongololo, aawe,
tu hupitha muuwinayi. Oshoka Oshilongo oshoye,
oonkondo odhoye, nesimano olyoye, aluhe **sigo aluhe.**
Amen.”**

—Mateus 6:9b-13

Egalikano ndika na li ilongwe momutse. Ooitaali olundji
ohaya galikana, egalikano ndika pamwe mokule.

34 IIPANGO OMULONGO YAKALUNGA OTAYI TU LONGO NKENE TU NA OKUKALA

(Eksodus ontopolwa 20)

Iipango Ine Yopetameko otayi popi Ohole kuKalunga

1. “Ino kala u na ookalunga yalwe koshipala shandje.”
2. “Ino ihongela oshiyelekela nenge efano lyashaa-shoka megulu nenge kombanda yevi nenge momeya kohi yevi. Ino yi inyongamena nenge u yi simaneke.”
3. “Edhina lyandje ino li tumbulila iinima yowala, oshoka ongame Omuwa, Kalunga koye.”
4. “Dhimbulukwa esiku lyEsabati ngoye u li yapule.”

Ihamano ya hugunina otayi popi ohole yetu kooyakwetu

5. "Simaneka ho nanyoko."
6. "Ino dhipaga."
7. "Ino hondela" (Oluhondelo ekalathano pamilalo pokati komusamane nomukulukadhi inaaya inekelathana.)
8. "Ino yaka."
9. "Ino lundila mukweni."
10. "Ino haluka egumbo iyamukweni... nenge eliko lye kehe."

OKUVULIKA KUKALUNGA OTAKU TU PE EYAMUKULO KOMAGALIKANO GETU

Otse notatu pewa kuye ashihe shoka tatu mu indile,
oshoka ohatu vulika kiipango ye nohatu longo shoka
she mu opalela.

—1 Johannes 3:22

Ohole yaKalunga

1. Jesus okwa ti kuye: “ ‘Hola Omuwa Kalunga koye komutima gwoye aguhe nokomwenyo gwoye aguhe nokomadhiladhilo goye agehe.’ Shika osho oshipango oshinene noshotango.”

—Mateus 22:37, 38

Ohole yOmuntu

2. “Oshitiyali shi thike pusho osho shika: ‘Hola mukweni ngaashi ngoye wi ihole mwene.’ ”

—Mateus 22:39

Iipango ayihe Omulongo (Epandja 34 no 35) oya kwatelwa mlipango iyali linene.



OHOLE OYO OSHINIMA OSHINENE SHI VULE AYIHE

37

“Ontopolwa yOhole” Onene

(1 Aakorinto 13:1-8, 13)

¹Nando ndi popye omalaka gaantu nogaayengeli, ihe kandi na ohole, nena okupopya kwandje okwa fa owala ekudhilo lyokangendjo taka tono nenge lyongendjo tayi ngelengendja. ²Nando ondi kale ndi na omagano gokupopya elaka lyaKalunga nondi na owino wokutseya iiholekwa ayihe; nando ondi kale ndi na eitaalo tali vulu okudhikula po oondundu, ihe kandi na ohole, ongame oshinima showala. ³Nando ondi gandje po iinima ayihe, nenge ndi gandje olutu Iwandje, lu fikwe po, ihe kandi na ohole, itashi kwatha ndje sha. ⁴Ohole ohayi idhidhimikile ayihe noyi na olukeno. Ohole ihayi si efupa, ihayi

38 tuwalala. ⁵Ohole ihayi holoka nayi, ihayi kongo shayo yene, ihayi ningi omwenyo omwiinayi, ohole ihayi dhimbulukwa uuwinayi ye u ningilwa. ⁶Ohole ihayi nyanyukilwa uugoyoki, ihe ohayi nyanyukilwa oshili. ⁷Ohole ihayi tonyala, ihe otayi itaale, tayi tegamene e tayi idhidhimike sigo okehulilo. ⁸Ohole itayi hulu po. Okupopya elaka IyaKalunga itaku kala sigo aluhe, omagano gokupopya omalaka gaa shirike itaga kala sigo aluhe, nosho wo okutseyea otaku hulu po.

¹³Ihe ngashingezi otaku kala mbika itatu: eitaalo, etegameno nohole, ihe oshinima oshinene kwaayihe mbika osho ohole.


KALUNGA OHOLE

Kalunga oye ohole, nakehe ngoka ha kala mohole, oye oku li muKalunga, Kalunga nota kala muye.

—1 Johannes 4:16b

JESUS OKWA HALA WU MU KALELE PO KUYALWE

39



(megumbo, kosikola,
mongeleka, nakehe pamwe)

**Jesus okwa ti, “Inda
kegumbo Iyaandjeni, u
ke ya hokololele shoka
Omuwa e shi ku ningile,
sho e ku sile ohenda.”**

—Markus 5:19b

OTO DHIMBULULA NGIINI OKANONA KAKALUNGA

“Ngele omu holathane, nena aantu ayehe otaa ka dhimbulula kutya one aalongwa yandje.”

—Johannes 13:35

Ihe iiyimati yOmbepo oyo mbika: ohole, enyanyu, ombili, eidhi-dhimiko, uukuum, uuwanawa, okukala omwiinekelwa, eifupi-piko neikwatonawa.

—Aagalati 5:22, 23a

OKANONA KAKALUNGA KASHILI OHAKA DHIMINE PO YAKWAWO

“Oshoka ngele hamu dhimine po aantu omayono gawo, nena Ho yeni yomegulu ote mu dhimine po wo omayono geni.”

—Mateus 6:14

7 IINIMA MBYOKA KALUNGA E TONDE

Omeho ge na uuntsa, elaka lyiifundja, iikaha tayi tilehi ombinzi yaa na ondjo, omutima tagu dhiladhila omatedho giiponga, oompadhi tadhi endelete okuya kuwinayi, shaa ngoka ta taa-ndelitha oonzapo dhiifundja naangoka ta kunu olutandu mokati kaamwayina.

—Omayeletumbulo 6:17-19



Iilonga
yopantu

IILONGA YOPANYAMA:

...uuholume, iipala nuukeeneidhiliko, otaa simaneke iimenka, muumpulile. Oyo otaa tondathana, otaa tamanana, efupa, otaa geelathana notaa kotoke-lathana. Oyo otaa topoka moongundu nomiimpaga. Oye na uukodhi, uunkolwi nuufukedhi niinima iikwawo ya fa mbika. Aantu mboka taa longo iilonga ya tya ngeyi, itaa ka thigulula Oshilongo shaKalunga.

—Aagalati 5:19-21


...omashenge naalali nomashenge, aafuthi, analwiho....

—1 Aakorinto 6:9, 10a

PITIKA JESUS E KU UDHITHE OMBEPO YE, YE E KU YELEKE

Yamwe yomune osho mwa li mwa tya ngaaka. Ihe omwa yogwa oondjo, omwa yoololelw Kalunga, omwa ningwa aayuuki koshipala shaKalunga omolwOmuwa Jesus Kristus okOmbepo Ondjapuki yaKalunga.

—1 Aakorinto 6:11



(Lesha Lukas 16:19-26.)

Kambadhala wu kale wa inekela Jesus Kristus. Ota tula edhina lyoye membo lyomwenyo.

**Kehe ngoka edhina
lye inaali nyolelwa
membo lyaanamwe-
nyo, oku umbilwa
mefuta lyomulilo.**

—Ehololo 20:15

JESUS OYE AWIKE ONDJILA YOKU YA KUKALUNGA

43

Kalunga okwe tu pe omwenyo gwaaluhe, nomwenyo nguka otu gu na mOmwana. —1 Johannes 5:11b

Oshoka eso olyo ondjambi yuulunde, ihe omwenyo gwaaluhe ogwo omagano gesilohenda lyaKalunga muukumwe naJesus Kristus, Omuwa gwetu. —Aaroma 6:23

“Oongoka i itaala Omwana, oku na omwenyo gwaaluhe, ihe ngoka itaa vulika kOmwana, ita ka mona omwenyo, ihe ondjahи yaKalunga otayi kala kombanda ye.” —Johannes 3:36

Jesus okwe mu lombwele: “Ongame ondjila noshili nomwenyo. Kape na ngoka ta vulu okuya kuTate, okuninga ta pitile mungame.” —Johannes 14:6

EGULU EHALA LYOSHILI



Memoniko Iya Johannes mehololo 21, okwa mono egulu epe nevi epe.

“Oye ota ka theta omahodhi agehe momeho gawo. Oko noitaku ka kala we eso, oluhodhi, eliko nenge uuwehame. Oshoka iikulu oya hula po.” Nena ngoka a kuutumba koshipangelapundi, okwa popi a ti: “Tala, ngashingezi iinima ayihe otandi yi ningi iipe!”

—Ehololo 21:4, 5a

Johannes okwa mono wo oshilando oshiypuki, Jerusalem oshipe, tashi kuluka tashi zi megulu sha uka pevi. **Noshilando sho shene**

osha li sha tungwa noshingolielela oshiyelele tashi tayima ngekende. Omamanya gekankameno lyekuma lyoshilando oga li go opalekwa nuulenga womamanya gondilo gomaludhi agehe.

—Ehololo 21:18b, 19a

JESUS OKWA YI A KA LONGEKIDHILE 45 MBOKA YE MU ITAALA OMAHALA

“Oomwenyo dheni inadhi kala dha ziyalala. Itaaleni Kalunga ne mu itaale ndje wo. Megumbo IyaTate omu na omahala gokukala ogendji. Ando kasha li ngeyi, ando otandi mu lombwele kutya otandi ke mu longekidhila ehala. Nongele nda yi e tandi mu longekidhile ehala, otandi ka galuka ishewe, ndi mu ile, opo mu ka kale wo nkoka ndi li.”

—Johannes 14:1-3

LOMBWELA YAKWENI ONKUNDANA NDJIKA OMBWAAANAWA

Jesus okwa ti, “Indeni nuuyuni auhe, mu ka uvithile aashitwa ayehe elaka etoye.”

—Markus 16:15b

Naangoka ta sindi oomwenyo, oye omunawino.

—Omayeletumbulo 11:30b

46 OMAUVANEKO GAKALUNGA KOYANA

“Itandi ku etha nando; itandi ku thigi po.” —Aahebeli 13:5b

Kalunga ote ku tumine aayengeli ye, ye ku gamene; otaye ku shigi shaa mpoka to yi. —Omapisalomi 91:11

“Onkee kape na ngoka ta vulu oku dhi yuga mo moshikaha she.” —Johannes 10:29b


“Ihe ngame otandi kala pamwe nane omasiku agehe sigo ehulilo lyuuyuni.” —Mateus 28:20b

“Ino tila omahepeko ngoka tage ku adha.... Idhidhimika ano sigo okusa, ongame otandi ku pe oshishani shomwenyo.” —Ehololo 2:10

Ngashingezi ondi li momilema, ihe Omuwa ota ka minikila ndje. —Mika 7:8b

“Ithana ndje, notandi ke ku yamukula.”

—Jeremia 33:3a



JESUS OTA GALUKA

47

Kehe gumwe otaka yumudhwa kuusi.

“Oshoka ethimbo otali ya, uuna oonakusa ayehe mboka ye li moombila, taa ka uva ewi lye. Yo notaa ka za mo moombila dhawo: mboka ya longo uuwanawa, otaa ka yumudhwa e taa kala ye na omwenyo, naamboka ya longo uuwinayi, otaa ka yumudhwa e taa ka pangulwa.”

—Johannes 5:28b, 29



Mboka ya sile muKristus oyo taya ka yumudhwa tango.

Opo ihe tse mboka tatu ka adhika tu na omwenyo pethimbo ndyoka, otatu ka gongelwa atuhe pamwe nayo pombanda miikogo, tu ka tsakanike Omuwa mombepo. Osho ngeyi otatu ka kala ihe aluhe pOmuwa. —1 Aatessalonika 4:17

“Kotokeni ano, ne mu tonate, oshoka inamu tseyalutya ethimbo otali thiki uunake.”

—Markus 13:33

JESUS OTE YA NGIINI?



Tala, oye te ya te ende miikogo yokegulu! Kehe gumwe oku na oku mu mona. —Ehololo 1:7a

Kotokela ookristus aafundja, naaprofeti aafundja.

“Ano ngele ku na ngoka te mu lombwele: ‘Tala, Kristus oye ngu,’ nenge: ‘Oye ngwiyaka,’ inamu mu itaala. Onkee ano, ngele tamu lombwelwa: ‘Tala, omombuga e li,’ inamu ya ko, nenge: ‘Tala, omondjugo e li,’ inamu itaala.”

—Mateus 24:23, 26

JESUS OTE YA MBALA MIIKOGO YOMVULA

“Oshoka ongashika olwaadhi talu adhima kuuzilo notalu monika kuuninginino, osho tuu wo tashi ka ningwa, uuna Omuna gwOmuntu te ya. Nena aantu ayehe yokombanda yevi otaa ka lilagana, sho taa ka mona Omuna gwOmuntu te ya te ende kiikogo yokegulu e na oonkondo odhindji neadhimo.” —Mateus 24:27, 30b

EPISALOMI LYOMUSITA

(Omapisalomi 23)

¹Omuwa oye omusita gwandje; inandi pumbwa sha.

²Oye ta gondjithile ndje mondombe ontalala ta fala ndje komeya gevululuko. ³Omwenyo gwandje ote gu talaleke. Ote enditha ndje nondjila yu uka, opauvaneko lye.

⁴Nonando ndi na okweenda mesilu lyomilema thokothoko, itandi tila sha, oshoka, Omwuwa, ou li pungame. ⁵Ondhimbo yoye nolwoondje Iwoye ohayi gamene ndje. ⁵Ongoye to yalele ndje oshililo montaneho yaatondi yandje; oto taamba ndje ngaashi omuyenda a simana, e to pindi oshitenga shandje shu udhilila.

⁶Elago nesilohenda lyoye otali landula ndje mokukalamwenyo kwandje akuhe; otandi ka kala aluhe mongulu yOmuwa.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA

Ita li landithwa-olyoshali

www.wmpress.org

5-22

Read booklets online or by App

www.wmp-readonline.org

2326 Ndonga WTG

